

Broj: 03-04-4386-2/2026
Bihać, 25. 3. 2026. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA
BIHAĆ

Organizacija	Redni broj	Broj priloga
03/1-2-12-53	26	

SKUPŠTINA UNSKO-SANSKOG KANTONA

PREDMET: Informacija o stanju sigurnosti vršnjačkog nasilja u školama na području Unsko-sanskog kantona za period januar - decembar 2025. Godine, dostavlja se;-

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Informaciju o stanju sigurnosti vršnjačkog nasilja u školama na području Unsko-sanskog kantona za period januar - decembar 2025. godine, uz sljedeće

o b r a z l o ž e n j e


Vlada Unsko-sanskog kantona je na 19. sjednici, održanoj dana 25. 3. 2026. godine, razmatrala i donijela Zaključak broj: 03-02-44-416/2026, kojim je primila na znanje Informaciju o stanju sigurnosti vršnjačkog nasilja u školama na području Unsko-sanskog kantona za period januar - decembar 2025. godine, koju vam u prilogu ovog akta dostavljamo na razmatranje.

Prilog: Informacija o stanju sigurnosti vršnjačkog nasilja u školama na području Unsko-sanskog kantona za period januar - decembar 2025. godine

Dostavljeno:

1. Naslovu,
2. a/a.

PREMIJER KANTONA
mr. sci. Mustafa Ružnić



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj 5/08), na prijedlog Ministarstva unutrašnjih poslova, Vlada Unsko-sanskog kantona na 19. sjednici, održanoj dana 25. 3. 2026. godine, d o n o s i

ZAKLJUČAK

I

Prima se na znanje Informacija o stanju sigurnosti vršnjačkog nasilja u školama na području Unsko-sanskog kantona za period januar - decembar 2025. godine i upućuje se Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-02-44-416/2026
Bihać; 25. 3. 2026. godine



PREMIJER KANTONA
mr. sc. Mustafa Ružnić

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona”, broj: 9/17), na prijedlog Ministarstva unutrašnjih poslova, Skupština Unsko-sanskog kantona na sjednici održanoj dana _____ 2026.godine, donosi:

ZAKLJUČAK

I

Prima se na znanje Informacija o stanju sigurnosti vršnjačkog nasilja u školama na području Unsko-sanskog kantona za period januar - decembar 2025.godine

II


Ovaj Zaključak stupa na snagu danom donošenja.

Broj: _____
Dana: _____ 2026.godine

Predsjedavajući
Skupštine Unsko-sanskog kantona

Nisvet Jusić

**BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA**



**BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE
INTERNAL AFFAIRS**

UPRAVA POLICIJE

**Broj: 05-04/04-1-04-43/26
Dana, 13.03.2026.godine**

**INFORMACIJA
O STANJU SIGURNOSTI
VRŠNJAČKOG NASILJA U ŠKOLAMA
NA PODRUČJU UNSKO – SANSKOG KANTONA
ZA 2025.GODINU**

Bihać, mart 2026. godine

SADRŽAJ

I UVOD	3
II STANJE SIGURNOSTI VRŠNJAČKOG NASILJA U ŠKOLAMA NA PODRUČJU UNSKO – SANSKOG KANTONA.....	6
A - Uopćeno stanje vršnjačkog nasilja u 2025.godini.....	6
III OCJENA STANJA	14
A - Osnovna ocjena	14
B - Rezime	15
C - Prijedlog mjera	16

I – UVOD

Vršnjačko nasilje definira se kao izloženost namjerno negativnom, ponavljanom djelovanju jednog ili više učenika, nesrazmjerne stvarne ili percipirane snage, zbog koje dijete trpi tjelesnu i/ili emocionalnu štetu, a nemoćno je da se odupre. Dijete je zlostavljano kada je učestalo i trajno izloženo negativnim postupcima od strane pojedinaca ili više djece.

U okviru definicije ističu se tri bitna elementa: trajanje, negativni postupci i neravnopravan odnos snaga.

U definiciji se naglašava trajnost i ponavljanje negativnih postupaka. Pod negativnim postupcima podrazumijeva se djelovanje pojedinca kada on namjerno zadaje ili nastoji zadati ozljedu ili bilo kakvu neugodnost drugom pojedincu. Dijete koje je izloženo nasilju teško se brani i donekle je bespomoćno u odnosu prema onome ko se nasilno ponaša.

Posljedice vršnjačkog nasilja mogu se pokušati grupirati u tri kategorije: psihološke poteškoće, poteškoće u socijalnom funkcioniranju i tjelesne posljedice.

Razlikuju se tri oblika vršnjačkog nasilja i to verbalno nasilje (poput vrijeđanja, nadijevanja pogrdnih imena, omalovažavanja, kritiziranja, sramoćenja i seksualnih dobacivanja), fizičko nasilje (šamaranje, udaranje, davljenje, bockanje, štipanje, guranje, udarci nogom, šakom, ugrizi, grebanje, pljuvanje, oštećivanje ili uništavanje odjeće ili imovine žrtve) i nasilje kroz odnose (ignoriranje, izolacija, isključivanje ili izbjegavanje).

Postoji još klasifikacija u dvije vrste nasilništva: direktna i indirektna nasilnička ponašanja. U direktne oblike nasilja ubrajaju se svi direktni i otvoreni napadi na žrtvu, bilo verbalni ili fizički, poput izrugivanja, psovanja i vrijeđanja ili pak guranja, šamaranja, udaranja i sl. Indirektni oblici nasilja među djecom su suptilniji i teže ih je uočiti, a uključuju ignoriranje, isključivanje iz društva i sl.

Četiri su karakteristična profila koja se mogu razlikovati u okviru vršnjačkog nasilja i to djeca koja su izložena nasilju, djeca koja se nasilno ponašaju, djeca koja doživljavaju nasilje, ali ga i sami čine te i djeca koja ni na koji način ne sudjeluju u vršnjačkom nasilju.

Sve veći broj djece i mladih je izloženo nasilju preko Interneta. No, zabrinjava činjenica da i dalje ono nije dovoljno prepoznato kao problem u društvu. Jedan od razloga zbog kojih ovaj trend nije prepoznat kao zabrinjavajući leži u činjenici da se on događa u virtualnom svijetu te da „nije prisutan u stvarnom djetetovom okruženju“.

Nažalost, ovaj je problem itekako prisutan u djetetovom životu i utječe na sva područja njegova funkcioniranja posebno s obzirom na važnost virtualnog okruženja i virtualne komunikacije u svakodnevnim aktivnostima djece i mladih.

Također, istaknuto je da se novi trendovi u porastu kriminaliteta djece odnose na cyberbullying i s njim povezanu povredu privatnosti drugog djeteta iznošenjem ličnih prilika ili objavom djetetovih fotografija koje ga izlažu poruzi i izazivaju uznemirenost. Prije razvoja modernih tehnologija vršnjačko se nasilje događalo na igralištima, u parkovima, na hodnicima škola te je bilo moguće lakše ga opaziti i na njega reagirati.

Danas se većina toga premjestila u „virtualni svijet“, što ne umanjuje, već naprotiv povećava kompleksnost ovog problema.

Dijete ili mlada osoba i dalje mogu biti izloženi različitim oblicima nasilja pri čemu druga djeca mogu sudjelovati. Također, mogu biti uključena druga djeca koja možda neće preuzeti ulogu zlostavljača, ali neće ni spriječiti nasilje. No, posebno zabrinjava činjenica da dijete od ovog nasilja ne može pobjeći i ono nikad ne prestaje.

Također nasilje putem interneta ili mobilnog telefona (cyberbullying) je sve aktuelniji oblik nasilja među vršnjacima, a najčešće se odnosi na vrijeđanje, uznemiravanje, slanje prijetećih i uvredljivih poruka, lažno predstavljanje, podsticanje na mržnju i nasilje i sl., a žrtvu navodi na iznošenje ličnih podataka, otkrivanje porodičnih prilika, pristupanje raznim grupama čiji ciljevi mogu biti opasni po dijete. Posljedice nasilja putem interneta u nekim slučajevima mogu biti i dalekosežnije od onih prouzrokovanih međuvršnjačkim nasiljem u stvarnim situacijama jer publika može biti puno šira, a zbog osjećaja anonimnosti počinitelji mogu biti okrutniji i nasilniji nego što bi se usudili biti u stvarnom svijetu. Svi trebamo biti svjesni da živimo u doba screenagera, djece i mladih koji su izloženi ekranima.

Ono što ga razlikuje od drugih vrsta nasilja je činjenica da djeca istom mogu biti izložena i tamo gdje su do sada bili potpuno sigurni i da to nasilje, za razliku od drugih, može trajati 24 sata svakog dana u nedjelji.

Važno je još napomenuti kako informacije koje su jednom objavljene na internetu nikada nije moguće ukloniti i sve ono što radimo na internetu, objavljujemo na internetu, pretražujemo na internetu kreira naš „identitet“ u virtualnom okruženju i ostavlja naš digitalni otisak. Iz navedenog je razloga iznimno važno podsjetiti roditelje, staratelje, i druge odrasle osobe koje rade s djecom da budu pažljivi pri objavljivanju podataka i fotografija djece. Objavljivanje sadržaja o djeci ustvari predstavlja proces kreiranja njihovog digitalnog otiska prije nego djeca imaju mogućnost odlučiti žele li da ta informacija o njima bude dostupna na internetu i za nekoliko godina.

Glavni i krajnji cilj svakog društva je „škola bez nasilja“, ali kada se promatra i analizira ovakav vid nasilja potrebno je imati u vidu tranziciju društva, teško ekonomsko-socijalno stanje naročito u nekim porodicama, nezaposlenost i slabljenje roditeljske brige, kao i sam uticaj porodice na djecu, poremećen sistem vrijednosti u kome se dio mladih identifikuje sa kriminogenim licima, uticaj medija itd.

Zapažanja ukazuju da je prisutna nedovoljna educiranost osoblja u školama, djece, roditelja, ali i policijskih službenika, pa se zbog toga neki slučajevi ne prepoznaju i ostaju nekažnjeni, a zbog neznanja, nesigurnosti pojedinaca, straha od osude sredine slučajevi nasilja se zataškavaju, poriču i budu primijećeni tek kad eskaliraju u krivično djelo. Takođe, evidentno je da se navedeno stanje poboljšava.

Ponekad se roditelji djece koja vrše vršnjačko nasilje neprimjereno ponašaju prema osoblju škola, ali i drugim učenicima ne prihvatajući činjenično stanje, negiraju krivicu vlastitog djeteta i sl., što je posljedica i nedovoljne edukacije i informiranosti istih.

Iako je vidljiv napredak, posebno kada su u pitanju edukacije, koje su sve brojnije i raznovrsnije, bitno je napomenuti da se i dalje svi slučajevi vršnjačkog nasilja ne prijavljuju policiji, a lakši oblici rješavaju se na nivou škola, roditelja i centra za socijalni rad. Pojedini oblici se i ne otkriju, jer žrtve iz raznih razloga trpe i prikrivaju nasilje, svjesno trpe maltretiranje i poniženje, što ne omogućava rješavanje ove problematike jer se nasilje produžava i postaje intenzivnije. Istraživanja su pokazala da mnoga djeca (žrtve) ne prijavljuju nasilje, iz razloga što se nasilnici (počinioci) nedovoljno ili nikako ne sankcionišu. I dalje su prisutni strah, zablude, nedovoljna

informiranost i slaba educiranost, kako bi se prije svega nasilje prepoznalo, a što se može prevazići kvalitetnom edukacijom i proaktivnim radom svih nadležnih.

Vršnjačko nasilje ne postoji kao krivično djelo, ali se može prepoznati kroz druga krivična djela iz Krivičnog zakona Federacije Bosne i Hercegovine, kao što su: TTP, LTP, učestvovanje u tuči, nasilničko ponašanje, iznuda, ucjena, neovlašteno snimanje, i dr.

O vršnjačkom nasilju, Uprava policije Ministarstva unutrašnjih poslova Unsko-sanskog kantona, kroz svoje informacije redovno izvještava Vladu i Skupštinu USK.

Uprava policije Ministarstva unutrašnjih poslova USK-a je u 2025.godini postupila po Okvirnom planu „Prevencije vršnjačkog i internetskog nasilja“ a u skladu sa svojim nadležnostima.

U periodu 2021.- 2025. godina na području Unsko-sanskog kantona evidentirano je ukupno 337 slučaja vršnjačkog nasilja, od kojih se 39 odnosi na KD, 72 na narušavanje javnog reda i mira i 226 na ostalo (fizički napadi, verbalni konflikt, psihičko maltretiranje, cyber, seksualno uznemiravanje, uznemiravanje). Ukupno je evidentirano 436 počinioca i 327 žrtvi. Najmanji broj slučajeva vršnjačkog nasilja je evidentiran 2021.godine (41), a najveći 2024.godine (99).

Usporedbom podataka o vršnjačkom nasilju iz 2025.godine sa podacima iz 2021.godine, gdje je evidentno da je došlo do povećanja broja slučajeva vršnjačkog nasilja za 14 ili 34%, broj počinilaca vršnjačkog nasilja je smanjen za 2 ili 2,8%, a broj žrtava je identičan. Ipak statistički podaci ukazuju da podaci po godinama osciliraju.


STRUKTURA VRŠNJAČKOG NASILJA (2021.-2025.)

GODINA	BROJ SLUČAJEVA			
	KD	NARUŠAVANJA JriM	OSTALO	UKUPNO
2021.	8	10	23	41
2022.	8	14	23	45
2023.	11	15	71	97
2024.	7	23	69	99
2025.	5	10	40	55

BROJ POČINILACA I ŽRTAVA (2021.-2025.)

GODINA	POČINIOCI	ŽRTVE
2021.	70	52
2022.	56	40
2023.	118	85
2024.	124	98
2025.	68	52

GRAFIČKI PRIKAZ BROJA SLUČAJEVA VRŠNJAČKOG NASILJA, POČINILACA I ŽRTAVA



II – STANJE SIGURNOSTI VRŠNJAČKOG NASILJA U ŠKOLAMA USK

A - Uopćeno stanje vršnjačkog nasilja u 2025.godini

Stanje vršnjačkog nasilja u 2025.godini, u odnosu na 2024.godinu karakteriše smanjenje ukupnog broja slučajeva vršnjačkog nasilja, broja počinilaca i broja žrtava.


Organizacione jedinice Uprave policije u 2025.godini evidentirale su ukupno 55 slučajeva vršnjačkog nasilja, što je za 44 ili 44,4 % manje u odnosu na 2024. godinu.

Ukupno je evidentirano 68 počinioca vršnjačkog nasilja, što je manje za 56 ili 45,2 % u odnosu na 2024. godinu i 52 žrtve vršnjačkog nasilja što je manje za 46 ili 46,9 %.

Uporedni podaci slučajeva vršnjačkog nasilja

GODINA	BROJ		
	SLUČAJEVA	POČINILACA	ŽRTAVA
2025.godina	55	68	52
2024.godina	99	124	98
RAZLIKA + / -	-44	-56	-46
RAZLIKA %	-44,4	-45,2	-46,9

Grafički prikaz broja slučajeva vršnjačkog nasilja, počinilaca i žrtava za 2025./2024.godinu




Iz naredne tabele je vidljivo da je u 2025.godini u odnosu na uporedni period 2024. godine, broj krivičnih djela počinjen vršnjačkim nasiljem smanjen za 2 ili 28,6 %, broj narušavanja JRiM smanjen za 13 ili 56,5 %, a broj ostalih slučajeva smanjen za 29 ili 42 %.

Struktura vršnjačkog nasilja 2025./2024.

GODINA	KD	NARUŠAVANJA JRiM	OSTALO
2025.	5	10	40
2024.	7	23	69
RAZLIKA +/-	-2	-13	-29
RAZLIKA %	-28,6	-56,5	-42

Grafički prikaz strukture vršnjačkog nasilja 2025./2024.



U ostale slučajeve vršnjačkog nasilja (40) spadaju psihičko maltretiranje-2, fizički napad-25, uznemiravanje-5, cyber uznemiravanje-4, verbalni konflikt-2, seksualno uznemiravanje-1 i naročito drsko ponašanje-1, što je prikazano u narednoj tabeli.

	Psihičko maltretiranje	Fizički napad	Uznemiravanje	Cyber uznemiravanje	Verbalni konflikt	Naročito drsko ponašanje	Seksualno uznemiravanje
Bihać	1	4		3			1
B.Petrovac							
Cazin	1	11	2	1	2		
S.Most			3				
Ključ		3				1	
V.Kladuša		4					
B.Krupa		3					
Bužim							
UKUPNO	2	25	5	4	2	1	1

Slučajevi vršnjačkog nasilja evidentirani su na području grada Bihaća (13), grada Cazina (26), zatim općine Sanski Most (4), općine Ključ (4), općine Velika Kladuša (4), grada Bosanska Krupa (3) i općine Bužim (1). Na području općine Bosanski Petrovac nisu evidentirani slučajevi vršnjačkog nasilja.

Struktura vršnjačkog nasilja po gradovima/općinama

GRAD/ OPĆINA	STRUKTURA			
	KD	NARUŠAVANJA JRiM	OSTALO	SVEGA
Bihać	2	2	9	13
B.Petrovac				
Cazin	3	6	17	26
S.Most		1	3	4
Ključ			4	4
V.Kladuša			4	4
B.Krupa			3	3
Bužim		1		1
2025.godina	5	10	40	55
2024.godina	7	23	69	99

Do povećanja broja slučaja vršnjačkog nasilja došlo je na području općine Ključ (za 2 slučaja), a do smanjenja je došlo na području grada Bihaća (za 7 slučaja), grada Cazina (za 11 slučajeva), općine Sanski Most (za 1 slučaj), općine Velika Kladuša (za 6 slučajeva), grada Bosanska Krupa (za 16 slučajeva) i općine Bužim (za 5 slučaj). Identično je stanje na području općine Bosanski Petrovac gdje nisu evidentirani slučajevi vršnjačkog nasilja, a što je vidljivo u narednoj tabeli.

Uporedni podaci slučajeva vršnjačkog nasilja u 2025./2024.godini

GRAD/OPĆINA	BROJ SLUČAJEVA		RAZLIKA +/-
	2025.	2024.	
Bihać	13	20	-7
B.Petrovac	0	0	=
Cazin	26	37	-11
S.Most	4	5	-1
Ključ	4	2	+2
V.Kladuša	4	10	-6
B.Krupa	3	19	-16
Bužim	1	6	-5

Struktura počinioca vršnjačkog nasilja

U 2025.godini evidentirana su 68 počinioca (manje za 56 ili 45,2 %, u odnosu na uporedni period 2024.godine). Od evidentiranih počinitelja 53 je muških (više za 47 ili 47 %, u odnosu na 2024.godinu) i 15 ženskih počinioca (manje za 9 ili 37,5 %, u odnosu na 2024.godinu). Na muške počinioce odnosi se 77,9 %, a na ženske 22,1 % od ukupnog broja prijavljenih počinioca.

Tabelarni pregled počinitelaca sa polnom i starosnom strukturom po gradovima/općinama

GRAD/ OPĆINA	POČINILACA	POLNA STRUKTURA		STAROSNA STRUKTURA			
		M	Ž	Do 14	14-16	16-18	Preko 18
Bihać	17	12	5	3	13	1	
B.Petrovac							
Cazin	34	30	4	12	10	10	2
S.Most	5	2	3	3		2	
Ključ	4	3	1	1	3		
V.Kladuša	4	2	2	2	2		
B.Krupa	3	3		1	2		
Bužim	1	1			1		
2025. godina	68	53	15	22	31	13	2
2024. godina	124	100	24	47	53	24	
RAZLIKA +/-	-56	-47	-9	-25	-22	-11	+2
RAZLIKA %	-45,2	-47	-37,5	-53,2	-41,5	-45,8	+100

Po starosnoj strukturi najbrojniji su počinioci od 14-16 godina (31), zatim počinioci do 14 godina starosti (22), počinioci od 16 - 18 godina (13), počinioca preko 18 godina starosti (2).

Do povećanja je došlo kod počinioca starosti preko 18 godina (za 2 ili 100 %), dok je do smanjenja došlo kod počinioca starosne dobi do 14 godina (za 25 ili 53,2 %), počinioca starosne dobi od 16-18 godina (za 11 ili 45,8 %) i počinioca starosne dobi od 14-16 godina (za 22 ili 41,4 %).

Struktura žrtava vršnjačkog nasilja

U navedenim slučajevima vršnjačkog nasilju evidentirane su 52 žrtave (manje za 46 ili 46,9 %, u odnosu na 2024.godinu), od čega 40 ili 76,9 % muških i 12 ili 23,1 % ženskih žrtava. Broj muških žrtava je smanjen za 31 ili 43,7 %, a broj ženskih žrtava smanjen za 15 ili 55,6 %, u odnosu na 2024.godinu.

Tabelarni pregled žrtava sa polnom i starosnom strukturom po gradovima / općinama

GRAD/ OPĆINA	BROJ ŽRTAVA	POLNA STRUKTURA		STAROSNA STRUKTURA			
		M	Ž	Do 14	14-16	16-18	Preko 18
Bihać	9	7	2	5	4		
B.Petrovac							
Cazin	27	23	4	13	2	11	1
S.Most	4	2	2	3		1	
Ključ	4	3	1	4			
V.Kladuša	4	2	2	2	2		
B.Krupa	3	2	1	3			
Bužim	1	1		1			
2025.godina	52	40	12	31	8	12	1
2024.godina	98	71	27	44	43	11	
RAZLIKA +/-	-46	-31	-15	-13	-35	+1	+1
RAZLIKA %	-46,9	-43,7	-55,6	-29,5	-81,4	+9	+100

Najbrojnije su žrtve starosti do 14 godina (31), zatim starosti od 16 do 18 godina (12), starosti od 14 do 16 godina (8) i žrtve starosti preko 18 godina (1). Do povećanja je došlo kod žrtava starosne dobi od 16 – 18 godina (za 1 ili 9%) i kod žrtava preko 18 godina (za 1 ili 100 %), a do

smanjenja je došlo kod žrtava starosti do 14 godina (za 13 ili 29,5 %) i kod žrtava starosne dobi od 14 – 16 godina (za 35 ili 81,4 %).

Posljedice vršnjačkog nasilja

Kao posljedica vršnjačkog nasilja dva lica su zadobila teške tjelesne povrede i to na području grada Bihaća i grada Cazina-1, a 20 lica je zadobilo lakše tjelesne povrede i to na području grada Bihaća-1, grada Cazina-11, općine Sanski Most-1, općine Velika Kladuša-3, grada Bosanska Krupa-3 i općine Bužim-1. U 23 slučaja nastupile su ostale posljedice vršnjačkog nasilja, kao što su: modrice, nesigurnost, izbjegavanje odlaska u školu i psihička uznemirenost kod žrtve, seksualna uznemirenost, ogrebotine, a što je vidljivo u narednoj tabeli.

GRADOVI / OPĆINE	POSLJEDICE VRŠNJAČKOG NASILJA							
	TTP	LTP	OSTALE POSLJEDICE				SEKSUALNO UZNEMIRANJE	OGREBOTINE
			NESIGURNOST	IZBJEGAVANJE ODLASKA U ŠKOLU	PSIHIČKA UZNEMIRENOST KOD ŽRTVE	MODRICE		
Bihać	1	1	2	1	3	3	1	1
B.Petrovac								
Cazin	1	11				1		
S.Most		1			3			
Ključ			3	1				
V.Kladuša		3	4					
B.Krupa		3						
Bužim		1						
Ukupno	2	20	9	2	6	4	1	1

Struktura prijavioca vršnjačkog nasilja

Iz slijedeće tabele je vidljivo da su u 23 slučaja vršnjačko nasilje prijavili roditelji, u 12 slučaja nasilje su prijavile obrazovne ustanove, u 17 slučaja zdravstvene ustanove, u 1 slučaju žrtva, u 1 slučaju građanin, i u jednom slučaju ostalo (Socijalno pedagoška životna zajednica).

Tabelarni pregled prijavitelja vršnjačkog nasilja po gradovima / općinama

GRAD/ OPĆINA	RODITELJ	OBRAZOVNA USTANOVA	ŽRTVA	CENTAR ZA SOCIJALNI RAD	ZDRAVSTVENA USTANOVA	GRADANI	ANONIMNO	OSTALO
BIHAĆ	7	3			1	1		1
B.PETROVAC								
CAZIN	12	3	1		10			
S.MOST		4						
KLJUČ	2	1			1			
V.KLADUŠA	1				3			
B.KRUPA		1			2			
BUŽIM	1							
2025.godina	23	12	1		17	1		1
2024.godina	57	20	5	1	9		5	2

Krivična djela vezana za vršnjačko nasilje

Ukupno je evidentirano 5 KD vezanih za vršnjačko nasilje, te je u odnosu na uporedni period 2024.godine broj krivičnih djela smanjen za 2 ili 28,6 %, dok je broj počinioca povećan za 4 ili 44,4 %.

Pr egled krivičnih djela počinjenih vršnjačkim nasiljem po gradovima/općinama

NAZIV KD	Bihać	B.Petrovac	Cazin	S.Most	Ključ	V.Kladuša	B.Krupa	Bužim	UKUPNO KD	UKUPNO POČINILACA
TTP			1						1	1
LTP			1						1	1
Nasilničko ponašanje	1		2						3	3
UKUPNO 2025.godina	1		4						5	5
UKUPNO 2024.godina	2					2	2	1	7	9

Od ukupno evidentiranih 5 krivičnih djela 1 je KD „Teška tjelesna povreda“, 1 KD „Lahka tjelesna povreda“ i 3 KD „Nasilničko ponašanje“. Za ova krivična djela prijavljeno je 5 lica.

Krivična djela su u 3 slučaja prijavili roditelji, a u dva slučaja zdravstvena ustanova.

Struktura prekršaja vezanih za vršnjačko nasilje

Iz oblasti javnog reda i mira ukupno je evidentirano 10 slučajeva narušavanja javnog reda i mira, te je evidentno smanjenje za 13 ili 56,5 %, u odnosu na 2024. godinu.

U ovim narušavanjima evidentirana su ukupno 23 prekršaja, od kojih 18 prekršaja po Zakonu o javnom redu i miru i 5 prekršaja po gradskim/općinskim odlukama, te je u odnosu na 2024.godinu evidentno smanjenje broja prekršaja za 6 ili 20,7 %.

	UKUPNO PREKRŠAJA	IZ ZAKONA O JRiM	GRADSKE/ OPĆINSKE ODLUKE	OSTALI PREKRŠAJI	BROJ POČINIOCA	PODNESENO ZAHTEJEVA ZA POKRETANJE PP	IZDATO PREKRŠAJNIH NALOHA
BIHAĆ	6	1	5		6		6
B.PETROVAC							
CAZIN	15	15			15	6	
S.MOST	1	1			2	1	
KLJUČ							
V.KLADUŠA							
B.KRUPA							
BUŽIM	1	1			1	1	
2025.godina	23	18	5		24	8	6
2024.godina	29	26	3	0	29	21	6

Za počinjene prekršaje ukupno su prijavljena 24 počinioca (smanjenje za 5 ili 17,2 %, u odnosu na 2024.godinu), protiv kojih je podnešeno 8 zahtjeva za pokretanje prekršajnog postupka (smanjenje za 13 ili 61,9 % u odnosu na uporedni period 2024.godine) i 6 prekršajnih naloga (identično stanje).

Prekršaji su evidentirani na području grada Cazina (15), zatim grada Bihaća (6), općine Sanski Most (1) i općine Bužim (1).

Prema strukturi izvršenih prekršaja najbrojniji su prekršaji: tuča-fizički napad-9, vika, galama, drsko ponašanje-5, upućivanje prijetnji, vrijeđanje, omalovažavanje ili drugi vid uznemiravanja građana pisanjem SMS poruka putem telefona, elektronske pošte, javnih portala ili društvenih mreža-5, naročito drsko ponašanje-3 i ugrožavanje drugog prijetnjom-1.

NAZIV PREKRŠAJA	Bihać	B.Petrovac	Cazin	S.Most	Ključ	V.Kladuša	B.Krupa	Bužim	UKUPNO PREKRŠAJA	UKUPNO POČINILACA	ZAHTEVA ZA POKRETANJE PP	PREKRŠAJIH NALOGA
Vika, galama, drsko ponašanje			5						5	5	2	
Tuča-fizički napad	1		6	1				1	9	10	4	1
Naročito drsko ponašanje			3						3	3	1	
Ugrožavanje drugog prijetnjom			1						1	1	1	
Upućivanje prijetnji, vrijeđanje, omalovažavanje ili drugi vid uznemiravanja građana pisanjem SMS poruka putem telefona, elektronske pošte, javnih portala ili društvenih mreža	5								5	5		5
UKUPNO 2025.godina	6		15	1				1	23	24	8	6
UKUPNO 2024.godina			15	3		3	6	2	29	29	21	6

Evidentirano je i 6 prekršaja „Propuštanje dužnog staranja“ počinjenih od strane roditelja/staratelja, za koja su policijski službenici izdali 6 prekršajnih naloga.

Evidentirana su 3 slučaja narušavanja javnog reda i mira, gdje je počinjeno 7 prekršaja, čiji su počinioci djeca do 14 godina starosti, a ista nisu prekršajno odgovorna i to: tuča, fizički napad-2 i uznemiravanje putem društvene mreže-5.

Policijski službenici su u 2025. godini sačinili 97 službenih zabilješki koje se odnose na vršnjačko nasilje, te je evidentno smanjenje za 31 ili 24,2 % u odnosu na uporedni period 2024. godine.

	Bihać	Bosanski Petrovac	Cazin	Sanski Most	Ključ	Velika Kladuša	Bosanska Krupa	Bužim	UKUPNO
I – XII 2025.	26		50	6	6	4	3	2	97
I – XII 2024.	27		27	10	9	20	21	14	128

Poduzete mjere i aktivnosti od strane policijskih službenika

S obzirom na sve navedeno i na osnovu održanih sastanaka policijskih službenika, RPZ policajaca, sa predstavnicima menadžmenta osnovnih i srednjih škola, sačinjeni su planovi aktivnosti sa ciljem održavanja edukativnih predavanja u izabranim osnovnim i srednjim školama na području Unsko sanskog kantona na teme: „Društveno-neprihvatljivo ponašanje“, „Maloljetnička delikvencija, međuvršnjačko nasilje i vandalizam“, „Međuvršnjačko nasilje, cyberbullying“, „Vršnjačko nasilje i zloupotreba društvenih mreža“, te ih upoznali sa obavezama, dužnostima i posljedicama u vezi navedenih tema. U promatranom periodu održano je ukupno 66 predavanja u osnovnim i srednjim školama na kojim je bilo prisutno 2555 učenika (PS Bihać 32 predavanja-prisustvovalo 1300 učenika, PS Cazin 12 predavanja-prisustvovalo 380 učenika, PS Sanski Most 7 predavanja-prisustvovalo 196 učenika, PS Ključ 2 predavanja-prisustvovalo 86 učenika, PS Velika Kladaša 4 predavanja-prisustvovalo 320 učenika, PS Bosanska Krupa 9 predavanja-prisustvovalo 273 učenika i PS Bužim 13 predavanja-prisustvovalo 258 učenika).

Posebno je bitno istaći i aktivnosti koje preduzima Uprava policije Ministarstva unutrašnjih poslova Unsko-sanskog kantona posredstvom policijskih službenika, RPZ policajaca, a vezano za prevenciju, ali i suzbijanje vršnjačkog nasilja:

- Na osnovu sačinjenih planova na prevenciji vršnjačkog nasilja održavaju edukaciju učenika u osnovnim i srednjim školama na USK.
- Kontinuirano vrše obilaskes škola uključujući i vrijeme kad škole ne rade.
- Ostvaruju aktivnu saradnju sa direktorima i pedagogima osnovnih i srednjih škola, kao i ostalim uposlenicima.
- Ostvaruju kvalitetniju saradnju sa centrima za socijalni rad.
- Realiziraju prisustvo policijskih službenika u blizini škola, naročito kada je najčešća frekvencija kretanja učenika (prije početka smjene, međusmjene, nakon nastave, za vrijeme odmora učenika).
- Provode Projekat „Rad policije u zajednici“.
- Vrše obilaskes autobusnih stanica, kao i drugih mjesta po kojima se kreću ili na kojima se zatiču učenici u dolasku i odlasku u školu.
- Suzbijaju eventualno konzumiranje alkohola i zloupotrebu droga od strane učenika u školama i na javnim mjestima.
- Procesuiraju krivična djela i prekršaja počinjene vršnjačkim nasiljem.
- Poduzimaju ostale preventivne i represivne mjere.

Policijski službenici Unsko- sanskog kantona postupaju profesionalno prema počiniocima ove vrste nasilja, uz poštovanje ličnosti počinioca vršnjačkog nasilja, stepena njegovog mentalnog razvoja, psihofizičke zrelosti i ostalih faktora bitnih za rad sa maloljetnim licima.

Procjene govore da još uvijek ima slučajeva prikrivanja i neprijavlivanja vršnjačkog nasilja iz straha, neshvatanja, nerazumijevanja, a što dovodi do težih oblika nasilja i stradanja žrtve.

Zapažanja ukazuju da se opće stanje općenito u društvu preslikava i na ovu oblast. Roditelji pojedine djece jednostavno zanemaruju brigu o djeci ili su isti nasilni u porodici, a što dijete

„upija“ i imitirajući svoje junake, ne samo iz kuće već i sa interneta i drugih medija, pa i samo postaje nasilno, te vrši nasilje nad drugom djecom. Među uzroke vršnjačkog nasilja treba ubrojati i zanemarivanje vaspitne uloge škole, nedovoljnu brigu društva o mladim, kao i sveopšti nedostatak edukacije o navedenoj problematici.

Posebno su bitne edukacije, ne samo učenika, već i roditelja, prosvjetnih radnika ali i policije. Samo obučeni službenici, svatko za svoju oblast, moći će u ranoj fazi prepoznati vršnjačko nasilje, prijaviti ga i riješiti. Krajnji cilj treba biti škola bez nasilja.

Bitno je napomenuti da maloljetnici (djeca) starosti do 14 godina nisu krivično i prekršajno odgovorni, već njihovi roditelji, odnosno staratelji.

III OCJENA STANJA

A - Osnovna ocjena

➤ Analitički i statistički pokazatelji upućuju da je vršnjačko nasilje, kojim se najneposrednije ugrožava sigurnost učenika, prisutno i kao takvo prepoznato kao vid nasilja i na Unsko- saskom kantonu.

➤ Ova vrsta nasilja manifestuje se češće vršenjem prekršaja ili drugih manje štetnih i sitnih incidenata (fizički napad, verbalni konflikt, psihičko maltretiranje, cyber i seksualno uznemiravanja), a nerijetko i kroz vršenje krivičnih djela.

➤ Činjenica je da se najveći broj vršnjačkog nasilja riješava na nivou škola – porodica – centar za socijalni rad, bez prisustva policije.

➤ Još uvijek ima slučajeva da se iz straha, zablude ili sličnih razloga jedan dio vršnjačkog nasilja ne prijavljuje, naročito kada je u ranoj fazi, tako da se ono produžava, žrtva trpi, a počinioc ostaje nekažnjen.

➤ U 2025. godini evidentirano je smanjenje ukupnog broja slučajeva vršnjačkog nasilja za 44 ili 44,4 %, počinitelaca za 56 ili 45,2 % i žrtava vršnjačkog nasilja za 46 ili 46,9%.

➤ U odnosu na uporednu 2024.godinu, ukupan broj KD je smanjen za 2 ili 28,6 %, ukupan broj narušavanja javnog reda i mira smanjen je za 13 ili 56,5 %, kao i broj ostalih događaja/incidenata za 29 ili 42 %.

➤ Slučajevi vršnjačkog nasilja nisu evidentirani na području općine Bosanski Petrovac.

➤ Krivična djela evidentirana su na području grada Bihaća (2) i grada Cazina (3).

➤ Narušavanja javnog reda i mira su evidentirani na području grada Cazina (6), grada Bihaća (2), općine Sanski Most (1) i općine Bužim (1).

➤ Ostali događaji (incidenti) su evidentirani na području grada Bihaća (9), grada Cazina (17), općine Sanski Most (3), općine Ključ (4), općine Velika Kladuša (4) i grada Bosanska Krupa (3).

➤ Ukupan broj slučajeva vršnjačkog nasilja je u porastu na području općine Ključ (za 2 slučaja).

➤ Do smanjenja ukupnog broja vršnjačkog nasilja došlo je na području grada Bihaća (za 7 slučajeva), grada Cazina (za 11 slučajeva), općine Sanski Most (za 1 slučajeva), općine Velika Kladuša (za 6 slučajeva), grada Bosanska Krupa (za 16 slučajeva) i općine Bužim (za 5 slučajeva).

➤ Među počiniocima vršnjačkog nasilja dominiraju muški počinioci sa 77,9 %, a po starosnoj strukturi najbrojniji su počinioci starosti od 14 do 16 godina (31 ili 45,6 %). Najviše počinilaca evidentirano je na području grada Bihaća (17) i grada Cazina (34).

➤ Također kod žrtava vršnjačkog nasilja dominiraju muške žrtve sa 76,9 %, a po starosnoj strukturi najbrojnije su žrtve starosti do 14 godina (31 ili 59,6 %).

➤ U 2025. godini evidentirano je 5 krivičnih djela sa elementima vršnjačkog nasilja i to 1 KD „Teška tjelesna povreda“, 1 KD „Lahka tjelesna povreda“ i 3 KD „Nasilničko ponašanje“, za koja je prijavljeno 5 lica.

➤ Evidentirano je 10 slučajeva narušavanja javnog reda i mira sa elementima vršnjačkog nasilja, u kojima su evidentirana ukupno 23 prekršaja, među kojima dominiraju tuča, fizički napad (9), a najbrojniji prekršaji su na području grada Cazin (15).

➤ Najviše slučajeva vršnjačkog nasilja prijavljeno je od strane roditelja - 23 i zdravstvenih ustanova - 17.

➤ Policijski službenici sačinili su 97 službenih zabilješki vezano za vršnjačko nasilje.

Na osnovu navedenog, stanje sigurnosti učenika od vršnjačkog nasilja u 2025. godini u cjelini se može ocjeniti kao dobro.

B - Rezime

Rezimirajući izloženo za 2025. godinu treba naglasiti:

➤ Vršnjačko nasilje prisutno je na Unsko-sanskom kantonu i sa njim se ugrožava sigurnost učenika.

➤ Pozitivno je da nije bilo smrtnih slučajeva, niti samoubistava zbog vršnjačkog nasilja.

➤ Policija se i u većini slučajeva susreće uglavnom sa posljedicama vršnjačkog nasilja, kada ono poprimi teže oblike, a pretpostavlja se da se jedan dio ovog nasilja i ne prijavi policiji.

➤ Za efikasno suzbijanje vršnjačkog nasilja veoma su bitne edukacije, kako policijskih, tako i službenika drugih institucija, roditelja, prosvjetnih radnika i dr..

➤ Nasilje se najčešće događa u školama ili njihovoj blizini ali ga ima i na putu do škole (autobuske stanice, javne površine, parkovi i sl.).

➤ Vršnjačko nasilje u 2025. godini je u padu za 44,4 %.

➤ Broj počinilaca vršnjačkog nasilja je u padu za 45,2 %, kao i broj žrtava vršnjačkog nasilja za 46,9 %.

- Najbrojniji počinioci, ali i žrtve vršnjačkog nasilja su muškarci.
- Evidentno je da je došlo do smanjenja KD počinjeni vršnjačkim nasiljem za 28,6%, narušavanja javnog reda i mira za 56,5 % i ostalih događaja/incidenata za 42%.
- U 2025. godini vršnjačko nasilje najizraženije je bilo na području grada Cazina (26) i grada Bihaća (13).
- Najčešći prijavioci vršnjačkog nasilja su roditelji žrtava u 23 slučaja, zatim zdravstvena ustanova u 17 slučaja i obrazovna ustanova u 12 slučaja.
- Sva evidentirana krivična djela u sklopu vršnjačkog nasilja su rasvijetljena uz profesionalan rad policije.
- U 2025. godini došlo je do smanjenje narušavanja javnog reda i mira za 56,5%, prekršaja za 20,7 % i počinioca prekršaja za 17,2 %.
- Uprave policije Ministarstva unutrašnjih poslova USK-a postupala je po Okvirnom planu „Prevenције vršnjačkog i internetskog nasilja“.

C – Prijedlog mjera

- U kontinuitetu vršiti edukacije policijskih službenika, roditelja, prosvjetnih radnika i djece o vršnjačkom nasilju.
- Intenzivirati aktivnosti policije, naročito preventivnog karaktera, a u cilju daljnjeg jačanja sigurnosti učenika od vršnjačkog nasilja. Kroz pojačanu pozorničko- patrolnu djelatnost i adekvatan angažman policajaca zaduženih za rad sa zajednicom (RPZ) razvijati daljnje preventivne oblike kako bi se vršnjačko nasilje smanjilo i svelo na najmanju moguću mjeru.
- Ostvariti kontinuiranu saradnju sa školama i roditeljima učenika, u skladu sa svojim obavezama i nadležnostima.
- Kontinuirano jačati saradnju policije sa centrima za socijalni rad, ministarstvom obrazovanja, pravosudnim organima, vladinim i nevladinim udruženjima, i drugim institucijama, koje se bave vršnjačkim nasiljem radi preduzimanja planskih i zajedničkih aktivnosti, posebno edukativnog karaktera.
- Posebnu pažnju posvetiti već evidentiranim počiniocima nasilja, te licima izvan škole koja ugrožavaju sigurnost učenika, kao i školskim ustanovama u kojima je navedena problematika najizraženija, te ciljano u istima pojačati zajedničko djelovanje svih nadležnih. Obezbjediti preventivno prisustvo policijskih službenika u blizini škola, na važnijim raskrnicama, autobusnim stanicama i drugim mjestima okupljanja učenika na putu do škole.
- Kroz medijske istupe policijskih službenika, na raznim sastancima i drugim okupljanjima i kroz saradnju sa zajednicom obuhvatiti i problematiku vršnjačkog nasilja, a sve u cilju podizanja svijesti o njegovoj štetnosti po društvo u cjelini.
- Nastaviti provođenje planiranih aktivnosti policijskih službenika po osnovnim i srednjim školama, s ciljem podizanja svijesti učenika o štetnosti vršnjačkog nasilja, kao i posljedicama

koje ovaj vid nasilja može izazvati kod djece i maloljetnika, te u iste aktivnosti uključiti nadležne službe Ministarstva obrazovanja USK i sve vladine i nevladine organizacije, koje se bave navedenom problematikom.

Obrađivač: Harisa Džehverović / Alagić Jasmina



502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba, info@mupusk.gov.ba